

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-21297/21
Sarajevo, 11.01.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izgradnja vodovodne i kanalizacione mreže u ulici Senada Poturka Senčija

I

Prihvata se preporuka Komisije za javnu nabavku radova i okvirni sporazum u predmetu – „Izgradnja vodovodne i kanalizacione mreže u ulici Senada Poturka Senčija“, broj obavještenja 422-1-3-206-3-179/21, objavljeno na Portalu javnih nabavki dana 09.11.2021.godine, i u “Službenom glasniku BiH”– Oglasnik javne nabavke broj 69/21 od 12.11.2021. godine, dodjeljuje se ponuđaču „Harysco“ d.o.o. Sarajevo sa ponudenom cijenom za okvirni sporazum u iznosu od 470.277,00 KM bez PDV-a, odnosno 550.224,09 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-21297/21 od 08.11.2021. godine Općina Novi Grad Sarajevo pokrenula je otvoreni postupak javne nabavke „Izgradnja vodovodne i kanalizacione mreže u ulici Senada Poturka Senčija“, broj obavještenja 422-1-3-206-3-179/21, objavljeno na Portalu javnih nabavki dana 09.11.2021.godine, i u “Službenom glasniku BiH”– Oglasnik javne nabavke broj 69/21 od 12.11.2021.godine. Zapisnikom o otvaranju ponuda od 01.12.2021. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača:

1. “Manjo” d.o.o. Sarajevo
2. „Bujice” d.o.o. Konjic
3. grupa ponuđača „Ted invest“ d.o.o. Sarajevo i „Orman“ d.o.o. Kiseljak
4. “Harysco” d.o.o. Sarajevo
5. “Mibral” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača "Ted invest" d.o.o. Sarajevo i "Orman" d.o.o. Kiseljak ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 280.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđaču koji su u koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 280.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove koji su u vezi sa predmetom nabavke vrijednosti najmanje 280.000,00 sa PDV-om, koju je izdala ugovorna strana – naručilac radova. Ponuđač je kao dokaz tehničke i profesionalne sposobnosti priložio potvrde o uspješno realizovanim ugovorima ukupno osam (8) i to:

- potvrdu koju je izdala Općina Stari Grad Sarajevo broj 13/1-23-2643/19 od 14.01.2020.godine a koja se odnosi na Rekonstrukciju vodovodne mreže na dijelu ulice Ispod Budakovića – Općina Stari Grad; potvrdu koju je izdala Vlada Brčko distrikta BiH bez broja za radove koji se odnose na izgradnju i spajanje kanalizacije sa glavnom mrežom u ul. Ljubomira Krsmanovića Komisija nije mogla cijeliti kao prihvatljive predmetne potvrde jer je vrijednost radova koja je navodena na potvrdama niža od vrijednosti tražene tenderskom dokumentacijom;
- potvrdu koju je izdala Općina Ilidža broj 04-14-4534/19 od 22.10.2019.godine, koja se odnosi na zamjenu azbestnih vodovodnih cijevi u ulici Munira Gavrankapetanovića, potvrdu „Bujice“ d.o.o. Konjic broj 01-397/1-19 od 11.09.2019.godine za rekonstrukciju vodovodne sekundarne mreže u gradu Goražde, potvrdu koju je izdala Općina Novi Grad Sarajevo broj 02/08-23-4391/19-NT od 04.03.2019.godine za Izgradnju potisnog cjevovoda DN 200 od pumpne stanice „Briješće“ do rezervoara „Sokolje“, te potvrdu također izdatu od Općine Novi Grad Sarajevo broj 02/08-19-16484/20-NT od 07.10.2020.godine za Izvođenje radova na rekonstrukciji distributivno-dovodnog cjevovoda DN 300 mm na potezima Butile-Rajlovac – ulica Franje Kluza i na izgradnji dovodnog cjevovoda DN 200 mm do pumpne stanice Briješće. Komisija je utvrdila da se predmetne potvrde odnose na izgradnju rekonstrukciju i sanaciju vodovodne mreže, te na zamjenu azbestnih vodovodnih cijevi i ne dokazuju zahtjeve iz tenderske dokumentacije o realiziranju radova na kanalizacionoj mreži.

Iz naprijed navedenih razloga utvrđeno je da grupa ponuđača "Ted invest" d.o.o. Sarajevo i "Orman" d.o.o. Kiseljak ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ostalih ponuda te utvrdila računске greške u dostavljenim ponudama ponuđača „Bujice“ d.o.o. Konjic i „Manjo“ d.o.o. Sarajevo. Računska greška u ponudi ponuđača „Bujice“ d.o.o. Konjic odrazila na to da ukupno ponuđena cijena za okvirni sporazum u Aneksu 2 i Aneksu 3 ponude treba da iznosi: 470.747,88 KM bez PDV-a, iznos PDV-a treba da iznosi 80.027,14 KM, tako da ukupna cijena sa PDV-om treba da iznosi 550.775,88 KM. Komisija je dana 14.12.2021.godine uputila ponuđaču obavještenje o ispravci računске greške, o čemu je ponuđač je dostavio saglasnost broj 01-415/1-21 dana 16.12.2021. godine.

Vršeći računsku kontrolu ponude ponuđača „Manjo“ d.o.o. Sarajevo, konstatovana je računska greška u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije. Navedena greška se odrazila na to da ukupno ponuđena cijena za ugovor u Aneksu 2 i Aneksu 3 ponude treba da iznosi: 487.257,37 KM bez PDV-a, iznos PDV-a treba da iznosi 82.833,75 KM, a ukupna cijena za okvirni sporazum treba da iznosi 570.091,12 KM sa PDV-om. Komisija je dana 14.12.2021.godine uputila ponuđaču obavještenje o ispravci računске greške, o čemu je ponuđač je dostavio saglasnost broj 135-21, 15.12.2021. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Bujice“ d.o.o. Konjic sa ponuđenom cijenom za okvirni sporazum u iznosu od 470.747,88 KM bez PDV-a, 2. „Harysco“ d.o.o. Sarajevo sa ponuđenom cijenom za okvirni sporazum u iznosu od 477.603,94 KM bez PDV-a, 3. „Mibrall“ d.o.o. Sarajevo sa ponuđenom cijenom za okvirni sporazum u iznosu od 478.269,81 KM bez PDV-a, 4. „Manjo“ d.o.o. Sarajevo sa ponuđenom cijenom za okvirni sporazum u iznosu od 487.257,37 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 22.12.2021. godine sa početkom u 10:30 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-206/21 od 22.12.2021.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Harysco“ d.o.o. Sarajevo sa ponudnom cijenom za okvirni sporazum u iznosu od 470.277,00 KM bez PDV-a,
2. „Bujice“ d.o.o. Konjic sa ponudnom cijenom za okvirni sporazum u iznosu od 470.747,88 KM bez PDV-a,
3. „Mibral“ d.o.o. Sarajevo sa ponudnom cijenom za okvirni sporazum u iznosu od 478.269,81 KM bez PDV-a,
4. „Manjo“ d.o.o. Sarajevo sa ponudnom cijenom za okvirni sporazum u iznosu od 487.257,37 KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za okvirni sporazum ponuđača „Harysco“ d.o.o. Sarajevo iznosi 470.277,00 KM bez PDV-a, odnosno 550.224,09 KM sa PDV-om, o čemu je ponuđač dostavio saglasnost broj 02-187/21 dana 28.12.2021. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „Harysco“ d.o.o. Sarajevo.


Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Senir Efendić